



Fréttabréf Naustaskóla

3. tölublað, 2. árgangur, 13. ágúst 2009

Abygðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Fjöldi nemenda:

Innrituðum nemendum hefur fjölgað nokkuð í sumar. Þeir eru nú 150 talsins og skiptast þannig á árganga:

1. bekkur: 36 nemendur
2. bekkur: 27 nemendur
3. bekkur: 23 nemendur
4. bekkur: 18 nemendur
5. bekkur: 17 nemendur
6. bekkur: 16 nemendur
7. bekkur: 13 nemendur

Alls 150 nemendur

Skólatími:

Skólinn opnar kl. 7:45 að morgni en kennsla hefst kl. 8:15. Kennsla í 1.-4. bekk lýkur kl. 13:40 en verður lengst til kl. 14:45 hjá eldri nemendum.

Skólatími:

Stefnt er að því að þegar nemendur og foreldrar mæti til viðtala 24. og 25. ágúst verði hægt að máta og panta peysur og boli með merki skólans. Hugmyndin með þessu er ekki að skylda börnin til að klæðast öll eins heldur að bjóða upp á ódýrar og góðar flíkur sem geta einfaldað lífið. Ef viðtökur verða bærilegar ættum við að geta boðið boli á u.þ.b. 750 kr., háskólapeysur á 2000 kr., hettupeysur á 2500 kr. og renndar hettupeysur á 3000 kr.

Ágæta skólasamfélag

Nú líður að þeirri langþráðu stund að skólinn okkar taki til starfa. Eins og íbúar í hverfinu eflaust vita hefur framkvæmdum miðað nokkuð hægt síðustu vikurnar og má ekki tæpara standa að skólinn geti hafið starfsemi vandræðalaust. Ljóst er að framkvæmdum verður ekki að fullu lokið þegar nemendur mæta til starfa en þeir munu vonandi ekki finna mikið fyrir því. Þann 24. ágúst nk. verður staðan þannig að 1. hæð hússins verður tilbúin, fyrir utan heimilisfræði- og smíðastofu. Á annarri hæð hússins verður rúmlega helmingur rýmisins tilbúinn en hinn hlutinn verður lokaður af og unnið að frágangi þar. Hvað lóðina varðar klárast hún að mestu leyti í næstu viku, leiktæki verða sett upp og stefnt er að því að gervigrasið verði lagt á völlinn helgina 22.-23. ágúst. Við bindum sem sagt vonir við að skólastarf geti hafist samkvæmt áætlun á tilsettum tíma þó að einhverjir dagar líði þar til húsnæðið kemst allt í gagn, þ.e. sérgreinastofur og hluti efri hæðarinnar. Að sjálfsögðu ætlum við líka að nýta góða veðrið vel fyrstu dagana og vera úti við og njóta lífsins, við munum jú að lífið er dásamlegt!

Vegna þess að húsnæðið verður ekki alveg tilbúið þegar við byrjum ætlum við að geyma formlega "skólasetningarathöfn" þangað til við fáum allt húsnæðið formlega afhent en gera okkur þá dagamun á einhvern hátt. Skólastarfið hefst því með viðtölum eins og áætlað var 24. og 25. ágúst nk. og kennsla hefst miðvikudaginn 26. ágúst en hátíðleg ræðuhöld og húrrahróp verða auglýst síðar :) Með von um góða og skemmtilega byrjun á skólastarfi í Naustaskóla.

Ágúst Jakobsson skólastjóri

Innkaup námsgagna

Skólinn kaupir inn námsgögn fyrir nemendur s.s. stílabækur o.þ.h. og foreldrar eru svo rúkaðir fyrir kostnaðinum. Þetta er gert til þæginda en einnig til að ná fram magnafsláttum. Kostnaður vegna þessa pr. nemanda í 1.-3. bekk er kr. 3500 og þurfa þá foreldrar ekkert að versla til skólans fyrir börn sín nema litla skólatösku og íþróttafatnað (stuttboxur, bol og sundföt). Í 4.-7. bekk er kostnaður pr. nemanda 3000 kr. en þar þurfa nemendur/foreldrar sjálfir að útvega skriffæri, strokleður, reglustiku og vasareikni auk tösku og íþróttafatnaðar.


Ef einhverjir foreldrar óska samt sem áður eftir því að kaupa gögn fyrir sín börn eru viðkomandi beðnir um að snúa sér til skólans til að fá innkaupalista.

Frístund

Nemendum í 1.-4. bekk stendur til boða vistun í Frístund skólans. Í tölvupósti sem sendur var foreldrum á dögnum voru þeir beðnir um að staðfesta skráningar fyrir veturinn en dvalarsamningar verða svo tilbúnir til staðfestingar á viðtalsdögnum 24. og 25. ágúst. Á heimasíðu skólans er að finna upplýsingar um Frístund, s.s. gjaldskrá, viðmiðunarreglur o.fl. <http://naustaskoli.is/page/fristund>

Mötuneyti

Eldhús Naustatjarnar annast matreiðslu fyrir okkur. Matseðla má nálgast á heimasíðu Naustaskóla eða Naustatjarnar. <http://naustaskoli.is/page/motuneyti>



Þriðjudaginn 18. ágúst mun foreldrum berast tölvupóstur frá umsjónarkennurum þar sem nemendur og foreldrar verða boðaðir til viðtals 24. eða 25. ágúst. Kennsla hefst svo miðvikudaginn 26. ágúst.

Foreldrar eiga nú þegar að hafa fengið tölvupóst varðandi skráningar í Frístund, mötuneyti, ávaxtaáskrift o.fl. Við minnum á að frestur til að ganga frá þessum skráningum er til 15. ágúst.

Starfsmenn Naustaskóla 2009-2010

Aðalheiður Reynisdóttir iðjuþjálfari
 Ágúst Frímánn Jakobsson skólástjóri
 Ása Katrín Gunnlaugsdóttir umsj.kennari 6.-7. bekk
 Bryndís Björnsdóttir deildarstjóri
 Brynja Dögg Hermannsdóttir umsj.kennari 1. bekk
 Guðrún Huld Gunnarsdóttir skólaritari
 Gunnþór Eyfjörð Gunnþórsson umsj.kennari 2.-3. bekk
 Gyða Björk Aradóttir stuðningsfulltrúi
 Halla Jóhannesdóttir umsj.kennari 2.-3. bekk
 Harpa Hrönn Gunnarsdóttir skólaliði
 Harpa Mjöll Hermannsdóttir stuðningsfulltrúi
 Heimir Örn Árnason umsj.kennari 4.-5. bekk
 Hjördís Óladóttir umsj.kennari 2.-3. bekk



Hrafnhildur Stefánsdóttir forstöðumaður vistunar
 Hugrún H. Sigurbjörnsdóttir skólaliði
 Inga Lilja Ólafsdóttir umsj.kennari 1. bekk
 Ingibjörg S. Ingimundard. skólahjúkrunarfræðingur
 Ingólfur Valur Ívarsson umsjónarmaður
 Karl Hallgrímsson umsj.kennari 6.-7. bekk
 Kolbrún Sigurðardóttir skólaliði
 Lilja Þorkeldsdóttir umsj.kennari 1. bekk
 Marcela Andrea Ceron skólaliði
 Sandra Mjöll Tómasdóttir skólaliði
 Sigurlaug Jónsdóttir umsj.kennari 4.-5. bekk
 Örlygur Þór Helgason íþróttakennari

Hrafnhildur Georgsdóttir, sem ráðin hafði verið sem kennari í 1. bekk, er að flytja úr bænum og mun því ekki koma til starfa eins og áætlað hafði verið. Þess í stað mun Inga Lilja Ólafsdóttir flytja sig til okkar úr Brekkuskóla 1. október nk. Fram að þeim tíma skipta þær Brynja Dögg og Lilja með sér umsjón í árgangnum.

Ertu að taka til ???

Eins og gefur að skilja er margt sem þarf í einum skóla og sumt tekur nokkurn tíma að byggja upp, má þar nefna gott skólabókasafn. Amtsbókasafnið mun aðstoða okkur við að koma upp nokkrum bókakosti til að byrja með en einnig biðjum við velunnara skólans að hafa augun opin fyrir því hvort á heimilum kunna að leynast bækur sem ekki eru notaðar en gætu gagnast á skólasafni, allar slíkar gjafir eru afar vel þegnar. Þá má einnig nefna að leikföng, kubbar, búningar og fleira af því tagi getur hæglega nýst frístund skólans....



Fífilbrekka

Þriðjudaginn 18. ágúst má segja að fyrstu nemendurnir komi í húsið en þá hefur leikskóladeildin Fífilbrekka starfsemi sína. Fífilbrekka er á neðri hæð skólans, í norðausturhorni hússins næst innganginum, og þar verða elstu nemendur leikskólans Naustatjarnar. Væntum við mikils af samstarfinu við Naustatjörn á hinum ýmsu sviðum. Gerð hefur verið samstarfsáætlun fyrir stofnanirnar sem við hrindum smátt og smátt í framkvæmd. Áætlunina má nálgast á slóðinni

http://naustaskoli.is/static/files/samstarfsaaetlun_naustaskoli_naustatjorn_mars%202009.pdf

Því miður hefur mentor.is lokað á nafnalista nemenda til 24. ágúst en eftir þann tíma geta foreldrar séð nöfn jafnaldra barna sinna þar á vefnum.

Naustaskóli - símaskrá

460 4100 Aðalnúmer -ritari
 460 4111 Frístund
 460 4110 Fífilbrekka - leikskóladeild
 460 4101 Skólástjóri beinn sími
 460 4102 Deildarstjóri beinn sími
 460 4103 Kaffistofa
 460 4104 Vinnustofa 2. hæð
 460 4115 Vinnustofa 1. hæð
 460 4119 Fax



Hannað hefur verið merki fyrir skólann sem unnið er út frá orðunum "naust" og "skóli". Heildarútliti merkisins svipar til framhluta skips sem vísar til nafns skólans en einnig til þess að í skólanum eru "allir á sama báti" og skólasamfélagið er á sameiginlegri siglingu í átt að settum markmiðum. Í merkinu má sjá penna sem hefur vísan í nám og kennslu. Merkið er örvalaga og vísar til framtíðar, sumir sjá út úr merkinu fugl sem stefnir til himins en það er vel við hæfi þar sem við í Naustaskóla erum að "hefja okkur til flugs". Blár er litur trausts og virðingar og hefur einnig vísan til öryggis. Brúnn litur er jarðbundinn, hann táknar vináttu, jörð,

Naustaskóli við Hólmatún, 600 Akureyri

Veffang: www.naustaskoli.is, netfang: naustaskoli@akureyri.is sími 460-4100, Frístund sími 460-4111